

F. 27.

Eerlame lieve Gemeynde Vriende.

Uwer Liefsen brieff mit brieven ons genedighe
 Heer van Gelre en Aert van Nymegen aen ons
 gesandt, hebben wy quetliken ontfangen en
 verstaen, ind als die van Nymegen in oeren
 brieve aen U gesandt rueren, dat men ierst
 maels averkomen was, die dachjaert
 tot Nymegen te halden, daer sy by bliuen
 willen, mit meer wourden &c. in oere brieve
 begrepen, Soe begen wy van Uwer Eer-
 samheit seer vrientlike, den van Nymegen
 te willen schryven, dat sy hem daer nyet
 swaer ynne en willen maken die dachjaert
 om die Claringe der gebreke v' Arnhem
 mit oerre Ridderchap te holden, want
 ons Heer genaden dat begheert hebben, en
 men des alsoe averkomen is, gelikewys
 Uwe Liefsen in Uwen brieve nu aen ons
 gesandt, dat claerliken geruert hebben.
 Aengesien mede dat wy onse treflike
 Jonckē, als mit namen den Jonckē. van
 Bronchorst, en Jonckē. Henric van Wisch
 tot Nymegen niet gebrengen en souden
 kommen, en sonderlinge, want die Jonckē.
 van den Berghe, bynnen Nymegen nyet
 komen en mach, Voert lieve Vriende, soe

Souden wy u hier bynnen besloten Copie des
 briefs, den wy nu aen den van Aaremunde
 hebben doen schryven, begende van Uwer
 Eersamheyt des gelycks op Uwe verbeterden
 den van Aaremunde te willen schryven, op
 dat sy daer te williger to sijn die Dachtant
 Arnhem mit oerre Ridderchap te haloen.
 Onse Here Got sy mit u. Dat m^o. sub se^o.
 in vigilia beati Thome Apli.

Burgmeiste Scapene ende
 Rade der Stat van Zutphen.

Op schrift was:

Eersame Wyden bescheiden Burgmeisten
 Scapen ende Raet der Stat van Arnhem.
 Onsen lieven gemeynden Vrienden